

流

寇

志

流寇志卷九

海盜彭孫賸藉信以著

崇禎十七年甲申正月庚寅州大風霾占曰風從乾起主暴兵城

破鳳陽地震李自成稱王于西安更其名曰自晟國號順改元

永昌以牛金星為丞相來城人宋獻策為軍師更定六政府尚

書一人侍郎二人以宋企郊楊建烈等煇喻上獻陸之祺李潑

聲為六政府尚書自成久思稱尊憲回獻相結既入秦通好于

獻忠獻忠遜詞厚報自成喜遂僭元稱制閩兵既東渡轉掠

河津稷山榮河絳州俱陷賊屯絳州分兵上蒲圻辛卯初安

廬巡撫黃醜玄奏柯兵焚殺 東江督兵黃翊請酌用水師

江督袁繼咸奏楚之會城告陷恐賊乘虛東下江州驚潰則吳
趙勢搖臣移咨皖撫發兵三千為臣指臂之使臣幸陳可立兵
先到湖口遇賊狂奔乞勅左良玉先事江南埽降獻逆 壬辰
初上召左中允李明肅陛見問禦寇急務明肅請屏左右趨近
御案與帝接講言自家召道聞賊氛頗惡今近逼畿甸誠危急
存亡之秋可不長慮却顧惟有南遷可緩目前之急徐圖征勦
之功上曰此事重大未可易言亦未可知天意若何明肅曰惟
命不予常善則得之不善則失之天命幾微人定則勝天事勢

至此詎可因循不決有噬臍之憂皇上內斷聖心外度時勢不
可一刻遲延若築舍道旁後悔何及上四顧無人曰朕有此志久
矣無人贊襄故遲至今汝意與朕合朕志決矣諸臣不從奈何
爾且審之上復問中途接濟明唐曰不如四路設兵山東河南此
陸路也登萊海船通州運河北水路也皇上須從小路輕車南
行二十日抵淮上文王柔順孔子微服此之謂也上曰然此事
不可輕洩明唐奏臣謀不敢洩但求聖斷皇上但出門一步龍
騰虎躍不旋踵而天下運之掌上若兀坐北京堅守危城無益
也上頷之隨退入宮賜宴文昭閣日午又召對內殿極陳救卞考

選之敎請著為令不立邊功不許枚卜不立邊功不許考選又
言兵餉缺乏民窮財盡惟發內帑足濟燃眉上言內帑如洗一
毫無措命出外賜茶夜漏初傳又召明齋進內近禦御案問所
奏事即欲行之誰可接濟途間用何等官領兵措餉駐札何地明
齋奏濟寧淮安俱要地不可不設官須擇重臣領兵預為之防又
問何等官銜明齋奏須戶兵二部堂上官上曰此時兵在關門
大將俱在各邊調遣甚難奈何明齋近奏近京八府尚可募皇上
此行京師須人料理關門兵不可盡撤各邊大將不可輕調惟
在公侯伯及閣部文武大臣試其能才惟穀而遣之上曰然明

審奏內帑不可不發除皇上服御外一毫俱是長物當發出犒
軍若至中途不足區處甚難留之大內不過朽蠹先時發出一
錢可當二錢之用急時與人萬錢不抵一錢之費上曰然戶部
亦該措置明廟奏令三空四盡戶部決難湊乎皇上為宗廟社
稷計決而行之上皆領之漏下二鼓明廟始出宮 諭兵部罪
廢武職及草澤義勇有能勵志殺賊固守城池奏與上賞 高
傑兵破青華鎮城焚劫一空南渡河駐軍懷 賊遣偽牒至兵
部稱三月十日兵至執訊持牒者則京師人於涿州逆旅遇客
予十金代投因斬之 癸巳初四命戶部尚書倪元璐解部任仍

供講幄 以兵科給事中張晉泰為兵部主書 兵部舉廢將

升永綏 登萊巡撫魯化龍請實練鄉兵以避客兵之害寔議

清野以保民蓋藏之資 甲午初卹保定監軍任棟光祿鄉趙

其刺復冠帶効用 乙未初以王之仁為浙江提兵周士鳳為

廣東提兵 工科給事中高翔漢奏

清兵出口未數月忽接遼撫黎玉田永撫李希沅揭有入關情形

寧遠逼近不可以示單弱而調兵南征豈稱勝算將為三軍引

命唐通馬科孔希貴鍾有各監臣盧九德怯懦已極經議易

馬科仍調南行三軍誰為統率 召呂大器還部復以袁繼咸

總督九江以劉承胤為都督僉事鎮守武崗兼轄黎靖地方

丙申

初

兵科給事中曾應選言江右自橋頭失守賊從永破吉

挿嶺兵破而賊破萍及袁呂大器褊急不能駕馭左帥令江督

更置即合閩趙以供虔鎮副將鄭鴻達與芝龍為兄弟緩急可

不煩檄調有云益王走閩建昌潰于十一月初二日撫州南豐

同陷于初七并有言顓失守者而虔撫之報杳然諸臣真同醉

夢矣

命方國安鎮守湖廣

丁酉

初

命方孔炤戴罪整理河

北命張有鑾提督南京糧儲

戊戌

初

高崇禎兵南下江北大

震淮安巡撫路振飛令金聲桓扼徐州周任鳳守泗州周爾敦

守清口 己亥初上召撫寧侯朱國弼圻城伯趙之龍來中左

門 刑科給事中郭克言賊衆入關憂不止秦也會城之安危
不曉則秦督之趨進無方官之聚散不知則三邊之恤調難及
賊之趨向不測則河東之防禦徒勞必偵探明白使秦督無恙
新督臣宜疾入居之如賊勢充斥勢難渡河應從永寧渡綏德
直趨固原以上游馭下風聞入賊時官兵有劫掠地方鳥駭獸
散者河東防賊不在防之河東當防之河西今賊入關一片地
方尚爾蒙昧未有不知彼而能取勝者 庚子廿山西巡按汪
宗友檄河東道顧綱副將熊通以兵一千二百赴河上宗友奏曰

晉河二千里平陽居其半撫臣蔡懋德不待春融水泮十八日
平陽返省二十日賊渡矣宜兼程回平陽招集陳尚智叛兵移
檄各路防兵緩勦乃不發一兵二十八日至省臣力言宜提一
旅星馳張疑聲討尚冀桑榆之收無如不聽何賊日遣偽官匝
月餘郡皆失是誰之過歟呂大器言楚疆糜爛楚官曹無一人舊
承撫王楊基戴罪于江請改任楚撫仍兼承天庶殘疆不至
益廢辛丑漕撫路振飛淮徐道何驥蛟整頓徐方有功今
陞楚撫恐已成之績廢同知范鳴珂二十年安于府倖恬守可
知請即以鳴珂補淮徐道僉事癸卯四上因西寇日逼臨朝

嘆曰賊勢如此聞外無人府庫殫竭若之何大學士李建泰
進曰主憂如此臣敢不竭死臣晉人頗知賊中事願以家財佐
軍可資萬人數月之糧臣請提兵西行又奏進士石隆願單騎
走陝北連甘肅寧夏之兵外結羌部召募忠勇勸輸義餉勦寇
立功否乃內守西河扼吭延安使賊不得東渡上大喜曰卿若行
朕當仿古椎轂樓上欲用石隆建泰曰俟臣西行酌而用之又
奏請以衛貞固凌駟為監軍郭中杰為中軍甲辰五操江誠
意伯劉孔昭薦田仰堪任節鉞乙巳六命王承恩為掛印鎮
守宣府提兵官上集府部九卿翰林科道會議禦寇措餉長

策各書單進呈內言措餉贖罪勸輸及勲戚人等多貯本色近
海州縣宜輸折色裁冗將急屯墾鑄海運言勦寇如鼓勵土
寨攻潼關收拾技勇令畿內州縣各自扼守徵遺逸以收人心
倣藩鎮以省兵費言人々殊 丙午七上諭寇患地方人心不
固聞警逃避法紀蕩然如山西保德州固守有功已命破格叙
擢其倡逃者不論案案官紳立行拿問 又諭畿南震隣紫馬
龍固等關急宜整脩以一賊不入為功倡義急公者奏聞紀錄
為要廣先發九江 敕忠弁長沙虛設偽官造浮橋于三江口
自岳陽渡江大隊俱往江北以一軍逼荊州盡奔舟楫步騎數

十萬入夔州 丁未以知州章曠以鄉勇三千人入沔陽遇賊
于景陵敗績殺傷千人曠以小舟入沔 添南贛兵三千以副
提鄭鴻逵鎮守 左良玉拔營上武昌副將張應元將騎兵張
國柱張天福以七百騎隨之湘江上 工科給事中彭瑄奏往
者逆賊犯楚寧由人心惑于三年免徭一夫不殺之偽示又見
撫臣李乾德懸示免仁益復踴躍倘皇上天下蠲詔更當何如
近傳十六十七年寬赦何如寬之十八年使賊滅後猶有餘力
并奇荒赤地通行蠲免使老弱捧檄泣下非目前第一義乎武
昌破時沿江積尸千里州縣收復原任官戴罪不敢任事必待

選補選補之臣功名與性命較則輕決不赴任罪以規避而止
何益地方緩急請查陷賊各官除門迎先逃外調補無官地方
以聯絡人心似為切要也 李明睿復召對上手左都御史李
邦華疏內云輔臣知而未敢言上問何事陳演對中允李明睿
疏少唐項煜議也先是邦華與明睿私議南遷上親行與東宮
熱便明睿謂東宮年少稟命則不威專命則不敬不如上親行
為便於召對後即繼以疏畧曰今日所最急者無如親征京營
甲兵不下十萬近畿召募可得數十萬聖駕一出四方忠義英
雄豪傑必有聞風響應者昔太祖高皇帝不常戰于鄴湖乎成

祖文皇帝不常戰于漢北乎世祖肅皇帝不常戰幸承天乎祖
宗勦業艱難櫛風沐雨皇上欲安坐而享之此何時也山東諸
王府皆有宮殿不妨暫駐蹕焉待勤王之師畢至徐議西征賊
聞天子神武先已伐謀勢必倒戈相向山東河南兩路並進鳳
陽祖陵又可駐蹕夫親征之舉以召忠義不必皇上自為之也
南京有史可法劉孔昭此皆忠良曉暢軍務可寄大事皇上召
與之謀必能推陷廓清建中興大業又聞昌平居庸無人控扼
奸人窺伺中官綢繆寔非上策伏乞調度諸將從皇陵山外統羣
華城俱宿重兵命東宮居守皇上啟行留魏蒲德方岳貢輔導

東宮料理兵事三韓重地皇上自為督率六飛親駕萬姓雷動
兵士氣鼓真定以東順天以西可無慮賊氛之充斥矣日逐一
由優柔不斷天下大事尚可為哉疏入下部速議兵科給事中
光時亨奏為邪說言不斬明庸不足以安人心明庸復上疏言
臣勸皇上親征非臆說也此皆聖帝明王英君詎辟不忍天下
之沾危冒白刃犯鋒鏑身先士卒非好之也有所大不得已也
皇上試思昔之開天下無如漢高祖唐太宗宋太祖有一不從
戰爭捷伐中磨勵而出者乎我朝開天無如高皇帝有一不從
衝鋒陷陣而成者乎若使鄴陽之戰稍暇或命將出師而不親

歷戰場將見偽漢立奪南昌而東南半壁大事去矣皇上言動
無不法祖而謂今日之舉有拂高皇帝之心乎且今日臣之進
言為親征也而諸臣妄意以為南遷就使皇上發策南遷此亦
救時急著唐時再遷再復宋室一遷南渡傳國百五十年若唐
宋不遷又何有靈武武林之恢復又何有百五十年之曆數哉
上覽蹙然然召光時亨而詰曰一樣邪說却專攻李明睿何也
顯是朋黨又曰光時亨阻朕南遷本應處斬姑饒這連南遷議
遂寢 戊申^{九月}鳳督馬士英奏太湖疎防失守 中書張同敞
奏劫豐陷志是兵非賊命該部行督撫卽禽梟示 卽陽推官

朱翌辨奏周士奇以鄆人監鄆弃城先遁命周遇吉馳拒保河
仍着高杰領所部協擊 郝綱熊通次靈石扼郭家灘請濟師

己酉亡命郭中樞授副總兵督輔中軍旗鼓 庚戌亡命

查大明集禮中遣將授職告廟禮 諭戶部選餉告急外解不

前餉臣既撤即着益臣黃家瑞督催解京 監軍御史霍運奏

報秦中狗難諸臣馮師孔命渠優恤外朱新遠妻妾查姓氏

上海舉人何剛奏忠義智勇之士在浙則有東陽義烏昔時名

將勁兵多出其地臣熟知東陽生員評都天性忠孝一見知人

能與士卒同甘苦今用許都以倡東義微歛二方之奇才臣願

以布衣聯絡忠義導戚繼光遺法開道忠義可使赴湯蹈火臣見
進士姚奇胤夏供祐桐城生貢周岐陝西生貢劉綱客山西舉
人韓霖皆憂時有心乞頒手詔會天下豪傑則忠義智勇連袂
而起助皇上大業矣 辛亥^廿諭吏兵刑三部舉人何剛奏條
儘有可採着授兵部職方司主事即令往東陽義烏聯絡義勇
以資勦寇又何剛所奏請部姚奇胤作何酌用該部速議 壬
子^廿李建泰揭薦布衣羅天錦如哦用介松年着以科銜催餉有
功量授 諭忤城水嚙日久着按察司官速往會仝撫按相度
城內遺資必被奸民竊取設法撈起以充修城之用其屬藩封

者仍給藩封。召忤城伯趙之龍、陝西巡撫金鍾、同來中左門。

副將陳尚智叛降賊，導賊破趙城。癸丑^廿夜，星入月中，占

曰：國破君亡。命鳳督馬士英、太監盧九德協勦。賊志。趙城既

破，山西郡縣所並開門迎賊，結寨以拒。官兵甲寅^廿郝綱熊通

走回太原。乙卯^廿大學士李建泰出師，上命駙馬都尉萬燾

特牲告廟，上臨軒行授鉞禮。廷授建泰節鉞，殿樑大聲發，若推

傳法駕，御正陽門樓，賜錢自午門至正陽旗幡十餘萬，鼓吹不

斷。召五府掌印侯伯、內閣六部都察院掌印官、京營提協侍衛

鴻臚贊禮御史糾儀，上御座南向，令文武東西列席，十九皆金

樽樂作上手的金樽以賜建泰者三即以三爵賜之諭建泰曰
先生此去如朕親行復手詔親臨正陽用寶以賜內官為披紅
簪花鼓吹導賜劍而出建泰頓首啟行上目送久之返駕建泰
甫出宣武門肩輿徧拆諸臣公餞護國寺建泰意氣慷慨言方
入寺視其紋忽如斗諸官皆驚是日大風揚沙占曰不利行師
進士程淵私語凌駒曰此行也兼程抵太原收拾三晉猶可濟
也若三晉失守無能為矣授進士凌駒職方司主事隨輔臣監
軍建泰揭奏河東分守道李政脩上命巡按金鉅崕監軍赴晉
赦政脩罪隨督輔軍前効用以郭中傑為副提兵充率督輔中

軍丙辰廿建表發都門聞山西鋒火甚急家存亡未卜因遲
遲日行三十里次涿州營兵隨歸三千京師聞平陽陷都人大恐
陞李化熙兵部右侍郎舊提三邊赦郭景昌以右僉都御史巡撫
山西代蔡懋德命御史金毓峒監軍山西以西洋人湯若望隨
行修大攻水利丁巳八月湖廣巡按黃澍奏舊撫賀逢聖從容
就義命從優卹高傑屯懷甯有兵三萬馬騾九千遣使壽州
詣鳳督請安插家口于徐州躬率將士屯甯懷聽調戊午九月
士英遣副將莊朝樞防守徐州令中軍副將楊振宗齎蟒段花
紅銀五百兩赴徐州安插高傑家口于關廟己未三月良玉

至武昌屯金沙洲

二月庚申^上視朝賊緘忽達御前

偽牌末
辰三

月十五日至順天

府會同館轄繳

一時相顧失色朝罷

馬進忠入長沙初獻

志在長沙窮冬水涸巨舟重載不能行弃之自荆河入川方國安

馬進忠分道並進焚其舟遂入長沙連營屯長岳左良玉遣兵五營

追賊于沙陽

距荆川
七十里

聞賊陷蒲州蒲諸縣開門迎賊聞賊命七

條龍麟安守蒲州追高桂至青華鎮村已焚鎮南走賊入設偽官守

之濟源諸縣空城跳河北大震懷慶府城盡閉

詔北屯撫方

孔昭請舉七聖應天巡撫鄭崑真言與屯有寬效上諭與屯原為呂

民裕國君未經開壘報議升科小民能無畏此各撫按責成實行

辛酉^二初工部主事李逢申奏勸助不若糾貪放罪輸餉者九卿
科道糾彈姪私顯著者各摘一二人如議行 汾州府陷 河
曲奸奸奪印送賊淨樂士民焚香張宴遠迎賊懷慶府聞賊
近開門潰走壬戌^三初懷慶兵交福王同母走出東門與母相失走
衛輝依路玉甲子^五初賊犯太原諸將自平陽潰遁太原無重兵
巡撫蔡懋德遣標下驍將牛勇朱孔訓出戰孔訓傷于礮牛勇
陷陣死一軍皆沒城中奪氣 乙丑^六初諭戶部邊餉甚急外解
不至皆由有司急贓罰而緩錢糧不嚴立賞罰何以勸懲以後
在內責成部科在外責成巡按痛禁耗索徵足者陞四品京堂

未完九分者草職 左良王發盧光祖等五營分道上隨州來

陽承天德安老回 自荆秘襄陽官兵攻雲夢徧固州牧高翠堅

守不克 賊圍太原移檄遠近 有云公侯皆食肉紀務而倚為股

獄囚累人士無報禮之心 懋德扼河上大風慶陵西却賊鋒

雖重人氏有借亡之怨等語 尋因保德州告急還省拜宗友糾之代以郭景昌未至提督余

應桂徘徊河上不敢進懋德知必不支寫遺表令贊畫知縣周

士璠奏京師中軍盛應時 達諸生為懋德 見之退歸先殺其妻

子誓全死敵賊步騎號五十萬懋德誓眾登陴矢石傷賊甚眾

賊大砲擊墮城東角樓丁卯初風沙大起咫尺不辨賊乘風夜

三立祠故建以祀
山西諸先賢也

登城守將張雄內應城遂陷懋德拔刀自刎時應奪刀扶上馬
欲衛出城懋德曰吾封疆大臣也應死封疆若急去豈欲陷吾不
義乎策馬入三立祠自縊于書院身軀未絕時應解甲覆其身
候氣絕亦東向自盡於其側巡按陳純德左布政趙建極兵備
毛副使府縣各官六十四負成死之賊盡尸于城晉王逃追獲
之乃降丁卯初上御書勅李建泰曰朕仰承天命繼述弘圖
十有七年未能修德尊賢化行海宇以致民罹兵戈不得已用兵
勦除卿代朕親征數渚忠勇獎勵廉能其驍怯逗玩之將貪酷倡
逃之吏妖言惑衆之人違誤軍機之輩當以尚方從事一切賞

罰調度俱不中制卿宜臨機而決好謀而成殲渠首脅解散投
戈平蕩妖氛旋師奏凱封侯晉爵共享太平先將代朕親征安
民靖亂至意偏行曉諭咸使聞知特諭建泰初承寵命特有家
財佐軍已聞家破進退失措行至廣宗仲衿城守不納攻三日
破之殺鄉紳王佐等知縣張弘基乃移師出城 命劉澤清移
鎮彰德 贈陳州死事閔永烈太僕卿元孟禴少卿 己巳初
贈死事劉錫藩王維新等 庚午十一月諭吏部平陽副使李士規
等七人先逃後返已經革職著戴罪料理固功自贖 辛未十
二月優恤殉難官劉種蘭士通王勣 諭刑部張國興中樞溺職一

徒豈足蔽辜。賊進黎城。別部拔臨晉垣曲。莊朝樞縵高傑
渡河至徐州。士民驚擾。旋赴壽州。謁鳳督。壬申。計上下罪已
詔曰。朕嗣守鴻緒。十有七年。深念上帝降之威。祖宗付託之
重。宵旦兢惕。罔敢怠荒。乃災害頻仍。寇盜併發。生民荼毒。靡有
寧居。若此流氛。誼無臣子忘累世之憂。養肆廿載之流殘。赦之
益驗。撫而輒叛。反以殺人為仁。掠財為義。至有受其煽惑。頑忘
仇讎。深可痛傷。朕為民父母。不得卵翼之民。為朕赤子。不得懷保
之坐。今秦豫丘墟。江楚腥穢。貽羞宗社。致疚黔黎。罪非朕躬。誰
任其責。所以使民罹鋒鏑。陷水火。殍寔坎壈。骸積成山者。朕之

過也使民輸芻輓粟居送行齎加賦迨無執之征預支有稱貸
之若朕之過也使民室如懸磬田卒行萊者朕之過也使民日
用告光旱潦游至師旅所處疫癘為殃者朕之過也至于任大
臣而不法用小臣而不慮言官首訕武將驕懦皆由朕撫馭失道
誠感未孚已寔不德人則何尤用是大告天下痛加懲艾深省
夙愆惜人才以培元氣守舊制以息煩驚行不忍之政以收人
心蠲額外之科以養民力念用兵懲餉元非得已各直省撫按
官亟飭所屬有司多方勸諭有擅加羨耗朦混私徵乃濫罰淫
刑民不堪命者立行拿問其有流止未歸除豁通賦安撫毋致

失所至罪廢諸臣有公忠廉能才尚堪用者不拘文武吏兵二
部確數推用若草澤豪傑之士有能恢復一郡一縣便與分官
世襲即消沒脅從之流有能反正率衆來歸者唯與赦罪立功
若能會斬閭獻者仍予通侯之賞嗚呼忠君愛國人有同心雪
恥除兇誰無憤納懷列祖之厚澤助成底定之大勲勉思厥愆
厯告朕志 命宣大提督王繼謨統提兵周遇吉赴河防守劉澤
清移順彰策應河北楊御蕃殲寇克東護餉道甲戌^十命起用
成勦策廷秀 賊探馬至大安驛兵部請勅臨德通津易密六
鎮悉聽督輔調度建泰徘徊河間不進 賊遣偽官于山東河

南州縣先遣牌至士民苦征輸之急痛恨舊官來勢逐之執香

迎道遠近若狂無恥舊官有置酒交代而去李岩等造謠言

也

娘着他娘喫着不盡迎聞王不當羞不餉

河南以北遠近傳播不逞者延頸思亂

乙亥州諭部院寇氛入晉畿輔戒嚴固固安民全在察吏該撫

按將所屬官嚴加甄別清謹循良素為民戴者方許留任責令

募練鄉勇整脩城守如貪殘聞冗者勒令解任或選賢能竟行

推補以徐標為兵部右侍郎提督畿南河北山東以宋權巡

撫密雲乙亥賊至忻州官吏迎降遂進代州五臺知縣迎降

提兵周遇吉守代州以奇兵奮擊連戰十餘日殺賊數千

聞賊合諸路賊進攻遇討兵少食盡退屯寧武關 丙子十月
科給事中介松年奏士節不振倡逃迎賊出自紳衿急宜崇獎
節烈以收拾人心 吏科給事中周嘉植奏孫傳庭守關原自
有餘大言一鼓蕩平僥倖為之以塞前言是以進退失據今不
以覆轍為戒空拳徒膺萬一晉陽淮陽俱震則為禍愈激非知
彼知己者也臺臣陳丹衷借兵土司尤當商酌以數世養之
兵尚不能必其用命而向蜚方責大義此豈難矣况不能裹糧
影從則搜括不加倍乎百姓見兵過尚搖手閉門狼兵一表保
無驚竄乎兩粵之間又增多事矣 丁丑八月錄京奏賊窺懷慶

賊將野叩故關漸逼真定 戊寅十李建襄兵過東光不戢

士民閉城拒守攻三日破之 吏部題堪任督撫諸臣沈迥魏

公韓孫肇興朱家任萬元吉馬鳴騶楊毓楫鼎明偕周光夏許

譽側汪心淵毛九華夏允彝王道純盧爾選黃宗昌鄭之尹王

守履李長春毛羽健 己卯十二太康伯張國紀助餉銀萬兩詔

晉爵為侯 庚辰廿兵部塘報太原汾州潞安連陷諭亟訪各

藩諸王所在 諭河南提兵土國竊加意懲竊立功自錄 命

內官閭國輔等齎餉分給薊寧諸鎮 諭吏部朕念豫楚殘破

州縣料理需人各撫按官自為選擇不拘科目襍流生員布衣

才能濟變即與填用有能倡義募兵恢復一州縣者即授知州
知縣功懋賞朕不爾屈分勅內宮監制各鎮寧前高起龍
通津臨德盧維寧真保方正化宣府杵勛彰順王夢弼廣大剛
思印衛懷中文炳大同楊茂林前鎮中協李宗化西協張澤民
兵部尚書張晉庠奏今日糧餉中斷士馬虧折督撫各官危担
欲卸重責欲分若一時而添內臣十員不惟物力不繼有失體
統抑且事權分掣大悞封疆不聽 辛巳遣太監王坤同給
事中馬嘉植韓如愈率朝奉生直浙閩廣督餉戶部尚書倪元
璐兵部侍郎金之俊等合疏諫止不聽 御史吳邦臣奏薦陳

子龍、立剪浙寇奉旨陳子龍將若米才長定配作何優異先是
東陽之亂起於許都之助餉都許私縱孫任俠好義遠近信服
知縣姚孫渠貪虐借名條亂橫派各戶坐都萬金都僅中座輸
數百金以告罄孫渠怒摘都所刻杜稿姓名謂都結黨造反桎
梏之時助餉者盈庭聞然不服有姚生者執知縣于座笞之于
街群擁都為主巡按毛光先桐城人也于孫渠為同里聞變即
發台州兵收勦所至殺掠于是東陽湯溪蘭溪人民各保却寨以
拒敵官兵大敗光先遂以許都反叛聞大集兵餉紹興推官陳
子龍謂都寧非反者遣生員蔣若米齎書諭之都即率同事十

三人詣杭州府獄子龍為之請光先不許。悉斬之。盡隱孫渠貪
殘激變。伏命之。復任諭張國維。附和罪。輔勝蔽君上。本當重
治。念方士亮等已輕擬。着免罪候用。河南巡按銀京報賊逼
澤州。奉旨催任濟速赴任。薊督王永吉奏叛兵旋噪。隨執諭
兵部楊鶚。實心任事。豈因兵噪輒易。着即視事。壬午_三真定
兵叛降賊。知府丘茂華聞敵先移家口出城。魏督徐標。乾茂華
下獄。標登城盡守禦。中軍劫標出城殺之。破獄出茂華。茂華昧
所屬州縣降賊數日_以。教騎入城。收府庫冊籍。近京三百里寂
無言者。捐開封歸德河南糧租三年。大監杜勳請以黑雲

龍効用宣府 癸未^四太監方正化奏請中軍旗款 命撫寧
侯朱國弼督漕赴淮安 提兵劉澤清請于青山諸山開礦煎
銀 乙酉^六禮部奏桂惠二王同走粵命齎璽書慰問 通兵
噪殺傷巡撫楊鶴 以自効乞罷不許賜葉金三十兩 陝督余
應桂奏三秦全陷賊且乘~~水~~冰渡兩岸悉為賊巢客兵以衆
寡不敵而退主兵以驚潰而譁河上無一旅矣賊前已破河津
絳州衆罪百萬非天下全力注之不可天下鎮將河南左良玉
閔東吳三桂並高杰唐通周遇吉黃得功曹友義馬科張天福
馬岱劉澤清土國寶劉良佐葛汝芝及副將丘磊惠登相王

光恩金守亮等調赴軍前會師真保之間皆撫而外加一督師如史可法王永吉其人賜以尚方懸公侯之賞以鼓勵之庶賊可滅也奉旨俞應植既不入秦又不防河何故往來霍介間中軍鼓噪庸怯可知兵馬錢糧有無虛耗着李化熙核奏 詔徵天下兵馬勤王 上召對羣臣于文華殿命府部大臣各條戰守事宜左都御史李邦華少詹項煜庶子李明睿各請南遷及太子撫軍南京上覽之怒曰諸臣平日所言君何今使國家至此無一忠臣義士為朝廷分憂而謀誼若此國君死社稷古今之正朕志已定無復多言吏科都給事中吳麟徵請并開外寧遠前

屯二城徙吳三桂入關屯宿近郊以衛京師三桂忠勇可倚以
辦賊廷臣以弁地非策不敢主其議戊子加大學士陳演罷
初上憂秦寇洩謂不足慮至是不自安面陳引退賜路費五十
兩馳驛回籍時道路多梗洩多貨不敢出京遷延半月及于禍
諭兵部寇氛孔亟秦所式不候交代輒自離任任濟久報赴
任一味退縮俱看革職任濟充為事官戴罪三月己丑年賊
陷寧武閔提兵周遇吉死之遇吉先守代州十六年賊犯代州
殺賊萬餘移守寧武閔妻劉氏工騎射賊臨閔脅降檄五日不
下且屠城遇吉先積薪于門誓必死悉力拒守大砲擊賊殺萬

餘火藥盡軍民俱請款賊遇吉曰我守三日殺賊且無賊期五日若輩何為甘心降賊從我力戰勝一軍盡為忠義萬一不支縛我以獻不過我為姐醢耳若輩必無恙開城出戰奮擊殺賊數千人賊潰亂相蹂踐將引還有獻策者曰我衆彼寡以十擊一無不勝但貴別主客去帽為辨番休戰不二日可盡也復進番休大戰脫帽以為別閩兵大敗遇吉揮短兵力戰矢被體如蟬牙兵零落盡遇吉被執閩賊陳兵脅降之奮髯大罵築其膝終不屈焉之至死罵不絕遇吉出戰妻劉氏佩弓矢巡城知遇吉死歸自縊舉火闔門自焚城中婦女無不自盡者賊屠寧武嬰梓

不遠自成嘆曰苟閑隘守將盡如遇吉吾安能至此 命部院
廠衛司捕各官察奸宄嚴保甲巷設羅卒禁夜行巡視倉場草
料魏藻德請出京議餉諭以在閣佐理兵餉著與希憲路振飛
料理初上欲命藻德往天津岳貢往濟寧有言各官出必潛遁
乃止赦兵部尚書張國維獄召國維及庶吉士史可程進士朱長
治陳州諸生張鐸于中左門鐸^古請太子監國南京擇耆臣輔
之 庚寅初何譙奏兵變請罷命譙戴罪供職 昌平兵噪焚
劫公私一空宣府告急命鎮朔將軍王承胤領賊 上召文武
大臣科道于中樞殿問方略奏對三十餘人有言守門乏貲當

今之急無如考選科道餘多言練兵加餉上命內監守九門命襄城伯李國禎提督戰守事諸門卿貳一員勲臣一員公私帑藏如洗因議輸助辛卯^三初命韓王益王歸國時益王走邵武命張國維往督浙江兵餉李建泰請駕南還願奉太子先行壬辰^四初欽天監奏帝星下移詔諭修葺上召對平臺諭閣臣曰李建泰勸朕南遷國君死社稷朕將焉往大學士范景文左都李邦華少詹項煜庶子李明睿請奉太子撫軍江南兵科給事中光時亨大聲曰諸臣欲為靈武故事乎景文等不敢言上復問戰守之事眾臣默然上嘆曰朕非亡國之君諸臣盡亡

國之臣拂袖而起封吳三桂平西伯左良玉寧南伯唐通定西伯
黃得功靖南伯陞劉澤清職一級加劉良佐周遇吉高傑王承
胤劉芳名李棲鳳馬科馬岱姜瑄孔希貴黃蜚葛汝芝高第許
定國曹友義杜允登趙光遠卜從善楊御藩署銜一級命督撫馬
士英王永吉黎玉田李希沅分別應加寔署周潞崇福四王奔
藩奔河南總兵卜從善奔南光宿遷癸巳初命襄城李國禎
練京營守西直門初議僉民守城魏藻德曰民畏賊一人氣大
事去矣上然之不許民登城卹秦中死事各官贈王世清光
祿寺卿馮師孔右都御史黃綱太常寺卿吳從善陝西僉事祝

萬齡太僕寺卿任訓光祿寺少卿南啟仲太子少保王道純太僕寺少卿南居業光祿寺少卿朱誼泉宛平縣知縣焦源浦源清田時震俱復原官 李建泰兵潰真定 設黃綾冊募百官蠲助限浙江六千兩山東四千兩餘各有差魏藻德首輸百金陳演未行召入再三勉輸自陳清苦無以應復徵勲戚大璫上等以三萬兩為率無應者惟太康伯張國紀輸二萬上遣太監徐高諭嘉定伯周奎且為戚臣首倡或五萬十萬濟軍奎謝無有高泣諭再三辭益堅高拂然起曰皇親如此國事去矣多金何益奎勉捐萬兩上少之勒二萬奎密啟中宮求助皇后括宮中

銀五千兩令劉以私蓄足之奎匿二千僅輸三千兩太監曹化淳王永祚等有捐至三五萬者王之心富諸甲諸鑄上而諭之以消乏僅輸萬金合百官勲戚內臣所捐共得二十萬諸奄俱大書其門此房出賣襍出玩好陳市肆以求售後之心為賊拷掠追銀十五萬金玉他物稱是周奎抄得見銀五十二萬幣帛珍寶復數十萬 廷議薦仲勲戚宦寺賃房居住近前門者各輸糧給守城軍士養其妻孥使無內顧巨室不樂寢其事有謂從逆官吏多非本心請赦河南北俘獲偽官以携賊黨 加太康伯張國紀嘉定伯周奎俱為侯廢王永祚曹化淳子弟一

人各建坊以旌之 甲午初上諭軍民人等曰朕承天御宇十
有七年日夜兢兢思臻上理調兵措餉寔非得已三餉並用久無
成功本欲安民未免重累朕之罪也貪官污吏巧取醵朴朕居
九重不能體察朕之罪也將懦兵驕焚劫淫掠任用非人養毒
致潰朕之過也寇氛鴟張遍地流害假仁假義誑惑愚民貲財盡
捲妻子淫汴房舍焚毀殺人如羊豕驅人如奴隸百姓吞聲無
所控訴追悔無及祖宗休養爾等幾三百年誰非赤子慘毒如
斯朕宵旰靡寧已調各路兵馬為民除害今與爾士民約勅餉
已經停止召買悉行蠲免私徵濫罰審訪拿問大小將士戰守

有功立與陞賞節義死難從優贈卹一切不便於民盡行革去與
天下更始毋信流言過為驚提被害紳士軍民勉強從賊原非
本心除自戕罪在不赦外偽官偽將有能斬渠敵城即與通侯
之賞或焚賊蓄積輸賊財物分別世廢賞賚一體委用近如金
有章等現擢用黃閣等與寬卹朕以天地父母之心諒其不得
已也他如中金星喻上猷李振聲楊永裕劉宗敏因見秀躍戴
恩楊廣畧谷可成身陷賊庭如能伺隙反正悉赦前罪各復原
官嗚呼天心未改祖德尤深朕罪已省愆用賢罔治改前故政
嘉與維新賊平之後耕田樂業永為王民不久休哉若聽信訛

言懷邪疑貳大兵一集玉石俱焚毋貽後悔欽哉 大同告急
命太監謝文舉星馳赴鎮吳三桂唐通劉澤清入衛三桂澤清
未至密雲唐通以兵八千入衛屯彰儀門賜大紅蟒衣紵絲二
表裏銀四十兩犒兵銀四千兩 吏部覆奏陳子龍等奉旨陳
子龍定變可嘉授兵科給事中周亮公劉令升朱明錄却敵全
城各授試御史 李邦華請奉太子撫軍江南光時亨敗寢之
乙未^初命太監馬思理馳赴大同督兵援勦 張國維以數
騎商行 唐通陞見上慰勞再三命全太監杜之秩守居庸關
寇逼大同命民守城不應知府董復鄉紳韓霖以城降鎮兵

潰巡撫劉崇璣被執罵賊不屈磔死督餉戶部郎中徐有聲宋
家仕死之府學生李君葵題壁曰一門完郎闔家九人自縊自
戍入大同盡殺代府宗室留偽將張天琳守之天琳兇暴陽和
軍民與鎮人相約殺天琳賊兵拘陽和僉事于重華迎降長
驅向宣府丙申初大風霾晝晦命司禮太監王承恩提督內
外京城總督遼薊王永吉節制各鎮俱便宜行事忻城伯趙
之龍薦于仕廉錢位坤太監報陝西難民懷毒命刊布流傳
使軍民共見諭兵部賞不踰時近來每多沉閣致使營屬有權
速將積案盡覆陞家雲巡撫王則先遵化巡撫宋權宣府

階叛將白廣恩遣總兵姜瓖書約降太監杜勛緋袍八座出城
三十里迎賊巡撫朱之馮懸賞守城無一應者之馮獨巡城見大
礮曰汝曹可燃此殺賊千百人賊雖蓋粉我無恨也衆不應之
馮自起燃火兵民蜂擁自後執其手之馮嘆曰人心如此離叛
奈何俄而賊薄城左右欲擁之馮出走之馮大怒革遺表勸上
收人心培節氣遂奪侍卒刀自刎督糧通判朱敏泰諸生姚時
中皆自縊死副將甯龍罵死賊死繫獄總兵董文用副將劉九
卿在籍知縣申以孝皆不屈死軍兵迎降監軍御史霍達走回京
兵科給事中韓如愈奉命過東昌劉澤清遣兵追殺之曰尚

能論我主帥否 聞賊偽淮安府尹鞏克順遣檄至淮廵按御

史王燮碎之

丁酉九初總兵劉澤清奏梃自言墮馬傷足賞銀

四十兩葉資五十兩命扼直定澤清不奉詔大掠臨清南下

淮人禽鞏克順御史王燮斬之燮與廵撫路振飛同心協守淮

人持以無怨 諭戶部乘時勸糴凡勲戚鄉紳富室商賈私家

積粟至三千石優叙 又諭勲戚文臣進馬助公 召見庶吉

士于中左門特命陳名夏為修撰兼戶科兵科給事中給太監

王國治火藥 賊信益急大學士范崇文數舉南遷之策方岳

曾魏蒲德以為惑衆止之霍達走兵叛上命問蘇京下落及

宋翌明何在 戊戌初霸州道報真定陷 寧武報至畿輔震
動進士程源謂魏漢德曰建泰何名尚駐河間標下總兵馬科
有兵萬人令速赴居庸與唐通協守猶可以支萬一不聽 己亥
一給城中軍半歲之糧 吏部等議罪廢諸臣各復冠帶以收
人心 陞高斗樞陝西巡撫宋法祖保定巡撫 賊倣益急廷
臣勸上南遷上怒曰卿等平日專營門戶今日死守夫復何言
諭兵部曰都城守備有餘援兵四集何難刻期滅寇敢有訛言
惑衆及私發家眷出城者禽治又諭兵部勤王兵馬聽王永吉
王承恩節制 庚子上召對問兵餉廷臣無一籌上以舉朝

無人泣下 順天巡撫楊勣出巡近畿微服遁督學御史陳純
德自遵化走回京議增兵外城則內閣增兵外城則內閣給事
中戴明說裏城伯李國楨奉命守城每事俱遜內監王承恩一
無所主 辛丑計上召廷臣問方畧不能對上憤悅斥兵部尚
書張縉彥賈國無狀縉彥頓首乞罷廷臣舉職方司員外萬元
吉知兵可任司馬 命各門俱置大砲給九門守兵每人
百錢 賊犯保定大學士李建泰已病中軍郭中傑繼城降賊
入保定執建泰御史龔毓峒守西門賊執之入三皇廟見賊帥
毓峒奮拳毆賊帥躍入井中死妻王氏自經死從子武舉龔振

孫登城射賊多應弦斃城陷衆潰振聲衣衲襠大呼曰我金御
史姪也賊支解之毓嗣子墨婦陳氏年十八與祖母張氏母楊
氏嫂常氏俱投井死張抱孫于懷同下侍婢四人從之知府何
復甫至手藝藥罐焚死同知邵宗立自經死太監方正化被殺
城頭縉紳光祿寺卿張羅彥自經死進士張羅俊罵賊死武進
士張羅輔巷戰手刃數賊而死張氏一門殉難婦女幼子二十
餘人都指揮劉忠嗣罵賊身被數槍立死不仆舉人張爾翬抗
賊被殺高涇被執死水中 壬寅四南京孝陵夜哭 上赦刑
部錦衣衛逮繫各官董象恒曾櫻鄭二陽等出獄復章正宸瞿

式拒冠帶起舊司禮太監曹化淳守城化淳密奏收葬魏忠賢
骸骨 癸卯^五風霾命三大營屯齊化門外賊自柳溝抵居庸
關柳溝天險百夫可守不設備賊叩關唐通杜之秩迎降賊巡
撫何謙遁總兵馬岱殺其妻子疾走三海關投王永吉永吉旁
皇無定乃出關投吳三桂京師以西郡縣望風瓦解將吏或降
或遁偽授至京云十八日至幽州會同館暫綴 甲辰^六賊陷昌
平州總兵李鐸手格賊殺數人賊不能近環圍之自刎死賊令
焚十二陵享殿傳倣至京縉彥使騎偵之還報曰昌平兵無餉而
譁旋定矣非賊也 上始下吳麟徵徙寧遠疏飛檄趣吳三

桂入關三桂從寧遠五十萬衆日行數十里甲辰六及關賊騎
已過昌平矣太監高起潛奔關走西山 上御殿召考選諸
臣問兵餉漵陽知縣黃國琦對稱旨授給事中餘以次對未及
半秘對入上覽之色變起入宮諸臣立候移時命退始知昌平
失守賊分兵掠餉通州偽檄南下清河沐陽邳州皆設偽官
自沙河夜發直犯平則門竟夜火燭天 賊自陷中原久窺畿
輔潛遣其黨載屬帛諸貨為巨賈列肆都門更遣寧紹徽衛諸
降者挾貲充各部寺院祿吏刺探機事數千里飛遞賊既至昌
平都中日遣撥馬探之賊黨即以告賊悉掠入營中厚賄結之

無一騎還者。辰刻賊游騎數百至齊化門。迤平則門而營西
營兵屯近郊者詰之曰：陽和兵之勤王者實，皆賊候騎也。人心
洶，皆言內官七八十騎衛上出德勝門已南狩。守城皆內臣，
外臣不得上太常寺少卿吳麟徵以德勝平則二門當直衝，欲
塞西直門，禁出入。內官不聽。乙巳，昧爽開西直門，納被難
者。內官坐城上，令箭下立啟，無敢問勲。戚大臣不能止。上早朝，
召群臣相視，莫能答。有泣下者。有言宜用馮銓、楊維垣者，有言宜
封劉澤清為伯。上不應。俛首書御案。文臣人可殺，密示司禮
太監王之心。旋拭去。時諭德楊士聰衛衛文入直，語各臣曰：左

良王吳三桂等俱封而遣澤清臨清近地可虞也閭揭上乃封
澤清東平伯 是有小民痛哭輸銀三四百兩者俱授錦衣
衛百戶 已刻急足叩城曰遠塵一線衝天起銳而直騎兵也
寇至矣內官使騎探之曰官軍哨騎也不為意日將中五六十
騎馳而至彎弓突城下大呼開門守者急發大礮繫殺賊二十
餘人難民亦死數十人門始閉須臾賊騎奄至方報過蘆溝橋
環攻九門矣三大營皆潰火車巨礮盡為賊有反礮攻城轟聲
震地京師內外堞十五萬四千有奇京軍俱為內官勦滅占去
騎羸弱五六萬五月無餉一時驅守百人至者僅數十無炊且市飯

為餐餉久闕人給百錢無不解體每堞派守一人數不敷襄城伯
李國楨汗浹露衣匹馬突入闕下內侍呵之國楨曰此何時也
君臣即欲相見不可多得矣內侍俱問之曰守城不用命鞭之
復卧上召入因命內官俱守城群譁曰諸文臣何為昔以言官去
內操弛武備衣甲弓矢俱無何用也有大鑄曰我輩月食未五
千石効死固宜請如己已所派數乃乘城凡數千人 上括內
外庫銀二十萬賞軍士黃沙蔽天日慘黯滿城婦女哭聲震地
丙午八上下罪已詔盡罷加派新舊餉 福主寓湖貲杜光
紹園 賊薄城礮聲不斷火箭射草廩安民火葉廩如雨仰呼

城上急開門不殺一人遲則盡屠守者惧鳴空礮猶揮手示賊賊退乃發賊驅城外居民負木石填濠攻甚急城頭燕萬人敵誤傷數十人守者驚潰傳城破合城號哭奔竄左都御史李邦華至正陽門欲登城內監拒之不得上兵部尚書張縉彥奏賊勢危急臣屢至城上觀守禦輒為監視所阻上手詔遣縉彥上城阻如故示以上傳始得登見兵部侍郎王家慶痛哭曰賊勢如此監視調去營兵李襄城處尚有十之四家所守每兩堵僅一卒語未竟坎城聲急太監王承恩鳴礮連斃數賊曹化淳王化成飲酒自若賊駕雲梯攻西直平則德勝三門勢甚急

太常寺少卿吳麟徵累土填西直門單騎馳入西長安門守門
吏部侍郎沈惟炳曰內官守此百官不得入公其奈何麟排門
走太監王德化語之曰守城人少見上請益之麟徵至午門遇
大學士魏藻德止之曰兵部調度兵食已足公何事張皇上方
休藻德且出聞公安從入麟徵涕泣請以非時見藻德不可力
挽之出李自成設座對彰儀門晉王代王左右席地坐太監杜
勛侍勛射書城中約降因呼城上人莫射我杜勛也可縋一人
以語守者曰留一人為質請公上勛曰我杜勛無畏何質為王
承恩縋之上同入大內盛稱自成入馬強壯鋒不可當皇上當

自為計守陵太監申芝秀自昌平降賊亦總城入脩述賊不道
語請上避位上怒叱之衆內臣欲監勛曰有秦晉二王在勛
不返二王恐不免乃縱之仍繼下勛語守璫王則克褚憲章曰
吾黨富貴自在也初聞勛殉難贈司禮監太監廕錦衣衛僉事
立祠至是方知勛從賊也上御書親征詔曰朕以眇躬上承
祖宗之餘業下臨億兆于萬方十有七年于茲政不加修禍亂
日甚抑賢人在下位歟不肖者未遠歟至于天怒積怨民心赤
子化為盜賊陵寢震驚親王屠僇國家之耻莫大于此朕今親
率六軍以征犯順國家重務悉委太子告爾民臣有能奮發忠

勇或助糧草騾馬舟車器械俱詣軍前聽用以殲醜逆分茅昨
土之賞决不食言毋負朕志三更召駙馬都尉鞏永固入命以
家丁護太子南行永固曰臣等安用私蓄家下即有何顯當
賊乃罷因召王承恩急整內負備親征申刻彰儀門陷李自成
率群賊大隊入沿途殺掠上急召閣臣入曰卿等知外城破乎
曰不知上曰事急矣今有何策俱曰陛下之福自當無慮如其
不利臣等巷戰誓不負國命退是夕上不能寢內城陷一宦官
奔告上曰大營兵安在李國楨何往內官曰大營兵散矣皇上
可急走其人即出呼之不應上即同王承恩幸南宮登煤山望

烽火蔽天徘徊久之例止陽門懸白燈自一至三以表寇信之
緩急此時城上已懸白燈三知大事已去回乾清宮朱書御筆
諭內閣令成國公朱純臣提督內外諸軍夾輔東宮遣內官持
詣閣因命進酒連酌數杯嘆曰苦我民爾分太子二王詣周田
二皇親家隨宣長公主公主伏地泣上曰爾何生我家左手掩
面右手揮劍擊之中肩赴仆絕于地手慄而止即幸坤寧宮語
皇后曰大事去矣各泣下宮人環泣揮去令各自為計皇后頓
首曰妾事陛下十有八年不聽一語至有今日皇后拊太子主慟甚遣之出
皇后乃自縊崩旋入西宮袁貴妃自經繩斷而墜上手劍三擊

兩利通詩傳云
河南道御史守
城門城陷遇賊
害

之乃絕徧召妃嬪之幸御者皆殺之易王承恩鞞御小南門手持三眼鎗內監數十人皆騎而持斧出東華門奪路繞齊化門欲出守城內監疑有變以矢石相向時成國公朱純臣守齊化門因幸其第閹人不知上至辭以在城未返帝嘆息去走安定門堅不可啟天將曙復回南宮內官持御書至閣中無人置几上反命上已出宮不知所之巡視巡京營雲南道御史王章武進戊戌兵科給事中光時亨並嚮行彰儀門臨朝座死士鳴大礮殺賊無算太監曹化淳開門迎賊入拔刀叱光時亨長跪乞降乃舍之刀擬王章不動叱之不應因執大罵

昭忠錄云家彥守
德勝門城陷自殺
城下不死折臂其
僕扶入民舍自縊
死傳信錄云家彥
坐安定門嘆曰我

不屈刀築其膝使跪挺立罵不已叢刀殺之城頭 叛監杜勛
又從德勝門射書約降 太監王相堯領兵千人開宣武門迎
賊 丁未九都城陷五更賊攻三門益急守者懼多留盔甲腰
牌下城就食逃去惟三四內監嬰城賊乘虛上內監入飛樓避
之賊亦不顧延頸望望外者叢鎗相注匿不敢出漏向寅天忽
雨俄而微雪城陷守者蟻墜兵部侍郎張伯鯨下城匿民舍諸
開曹化淳等導賊入滿城哭震天紛紛竄賊露刃張弓馳九衢
大呼民間速獻騾馬內官導至便門戎政侍郎王家彥守便門
見賊至自盡門下或曰家彥守德勝門 陷脅降罵賊被殺城

總督國營今日城
破萬死難恃且長
不可污賊刃遂自
縊于城樓未幾賊
於城樓得廢後出
其屍无確中其傍
楊勇而殮之並存
侯考

樓火燒其尸。帝御前殿鳴鐘集百官無一至者遂冕服哭謁
太后宮火及西華門仍幸南宮登煤山之壽皇亭。新成帝所
閱內操處也書遺詔曰朕自登極十有年逆賊直逼京師雖朕薄德
匪躬上天咎然皆諸臣之誤朕也朕死無面目見先帝于地下去朕冠
冕以髮覆面任賊分裂朕屍勿傷百姓一人脫冕科頭釋上衣
上御隱金藍袍跣左足右朱履藏遺詔于胸次復書遺詔一行
云百官俱赴東宮行在帝猶謂閣札已宣也書畢為縗山亭俄而帝崩
王承恩再拜慟哭縊于亭下與大行相望文武羣臣無一人知
先是崇禎十六年八月帝發私府圖書得一篋緘甚固誠意伯劉

基題署發篋得圖一軸首畫諸軍倒戈弃甲民間男女奔竄狀
次畫百官朝服披髮走次畫一人脫冕披髮而懸者帝覽之嘿
然不怡大璫侍側見之傳于外可知數已前定云

流寇志卷十

海鹽彭孫貽鼎傳以義

太子詣周奎第卧未起叩門不得入走匿內官外舍 帝既幸
南宮使人詣安懿皇后宮勸自裁倉卒不得達兩宮已自盡宮
中大亂宮人號哭出走懿安后青衣蒙頭步入成國公第尚衣
監何新入宮見長宮主肩斷仆地與宮人救之懿公主曰父皇
賜我死何敢偷生新曰賊將入恐公主遭辱且至國文家避之
負主而出 百官尚坐公署視事如故兵部尚書張縉房楊於
衢曰薊鎮精兵已到百姓不必驚惶賊已沿街大呼索馬騾居

民盡驅馬驟出戶外賊爭騎去喧傳百姓面貼順民二字者不
殺民爭書於黃紙盡代以紅紙有遮賊馬首乞令箭者抽矢予
之至漸衆馬不得行賊怒揮刀斷指臂乃散舊輔將德環潛遁
于會館被創脫走象房群象哀鳴下援自成犯京城宋敵策
占曰丙午雨丁未辰而剋若無雨城不可下即日金軍西還六
年始克是日雨俄而城陷中金皇黎志陞等撰偽詔飛射城
中有云君非最聞孤主而惕蔽恒多臣盡行私此周而公忠他
少貽通宮府朝端之威福日移利擅宗伸閣左之脂膏殆盡
又曰爾君若臣未達帝心未介朕意是以有言正告爾能体天
念祖度德審義朕將加惠前人不容異數如祀如未享祀永延
用彰爾之孝有室有家民賊破前門給事中黃國琦迎降為賊
人胥慶用彰爾之仁等語

傳偽詔令中軍持琴絃綾帛入宮達上前帝已出宮不得達
彭子曰世咸以此為周鍾所撰偽登極詔非也賊以庚戌日
殮大行鍾上書文諭院請塋先帝牛金星薦之鍾始得見用
則鍾之汙偽命在梓宮襄事之日也斯偽詔非登極文祀宋
商孫諸語未知大行所在也蓋都城未陷賊以此脅降者周
鍾諸父懼名璫案鍾負虛名標榜二十年不能抗節以慰群
望呈身賊廷以自銜嚙下流之惡必歸宜矣

賊帥分據百官第劉宗敏據都督田弘遇第李過據都督劉祐
第谷可成據萬駙馬府田見秀據駙馬府李巖據嘉定第官撫

民據勲衛常守絳第。志降據長安街仕宦邸。占其妻子其餘。
多據富民巨室各衙門偽官到任傳諭吏書班皂參謁榜示民。
間始常生理罷市者斬偽兵政府徧貼安民榜云大師臨城秋。
毫無犯敢有鹵掠民財者凌遲處死。有二賊掠假鋪立碁于棋。
盤街民間大喜安堵如故。賊兵四布民居已定。劉宗敏對過。
等令百姓焚香迎李自成。諸賊鼓吹旌旆前導自成迺穿窄衫。
騎烏駁馬。牛金里宋企郊喻上。獻黎志陞張璘然五騎從。指麾於。
馬上欣然自得。時宮中大亂。諸賊帥率其騎皆懷甲執兵先入。
清宮。宮人魏氏大呼曰賊入大內。我輩必遭所汙。有志者早為。

計躍入御河死從而死者一二百人賊見深嘆息之自成入長
安門仰天大笑彎弓發矢指承天門榜語諸賊曰我矢中天字
必一統天下不中三天字下自成悞貽金星曰中其下當中分
天下自成喜投弓笑太監王德化率諸內官迎于大明門大索
帝所在不獲偽尚書卿魏志陞回重圍百里殆難飛越民間藏
匿非重賞嚴誅不可得此大事不可忽下令畝者賞萬金封伯
爵隱匿者族自成登皇極殿樓黼座牛金星檄召百官期二
十一日俱朝自成用順王之玺偽國號順建元永昌改印為契
官服一品一雲二品二雲進以為差禁民間用自成字闕字

自成入宮太監杜之秩曹化淳等導入大內自成叱曰汝曹皆主獻城皆當斬之秩等曰奴輩早識天命故至此自成叱去自成與劉宗敏李過諸賊分宮嬪有姿首者各三十人牛金呈宗企郊諸賊各數人宮人費氏年十六投井枯不死賊鉤出之悅其容爭相奪費氏紿曰我長公主也不得無禮必告汝主群賊擁見自成審問內官非是賞一小將羅賊費氏復紿曰我寔天潢義難苟合唯將軍擇吉成禮則生死唯命羅賊喜置酒極飲費氏誘賊醉抽刀斷其喉立死費氏不別死筵前自成大驚令收葬之內官獻太子群賊擁而至太子廷立不為禮自成厲聲

曰若父皇何在曰崩矣自成曰汝家何以失天下若父何以至此太子曰只問百官自成不能屈改容曰汝父在我必尊養之毋慮也太子曰何不殺我自成曰汝無罪太子曰速以禮葬我父皇母后自成命太子同坐飲食不食封宋王不屈送劉宗敏護侍之群賊復擁二王至永王年十三定王九歲至午門內官請二王下馬永王叱曰我家門前為誰下馬騎而進見自成並立不動自成引坐同飲二王俱不飲自成曰懼乎曰死則死耳何懼留之宮中或曰賊大索帝及太子二王搜得太子定王于內官外舍太子送劉宗敏收視定王送聲并收
視永王不知何在交床舁長公主至黃帛絡肩臂創甚重絕送劉宗敏

新臨記聞云思陵
村狗杜樓宮監王
永壽白帝曰慈安
皇后業自臨宮中
矣當魏忠賢禍國
有奉女任女氏迎
之蓋宗主為齊妃
及賊入宮任偽曰
我天啟皇帝后也
賊不敢犯流轉民
間或送之官永壽
從旁竊送之曰此
任貴妃也齊妃既
永壽而後相永壽

療之不死擇士人嫁之士民見者莫不飲泣 賊大索南宮內
監報大行所在自成遣諸內宮往視龍髯如生以宮扉二載大
行皇帝同大行皇后並出華門盛以柳櫬大行裀頭不冠披髮
一足不襪置成國府前百姓過者哀痛泣下偽制將軍李胤入
成國公府時懿安張后在府中聞帝后並崩倉卒將就縊戮詢
知為后令老宮人肩輿送歸母家 劉宗敏李過田見秀等呼
蓮子銜銜優伶嬰童各數十佐酒高踞几上環而歌舞喜而勞
犬錢怒即殺之諸伶含淚而歌或犯闌字手斬筵上 駙馬都
尉鞏永固書于壁曰世受國恩身不可辱時安樂公主靈輓在

不敢許永壽後為
僧往來西山間諱
故宮事無語人云

堂子女七人黃繩繫觀前聚寶玉書玩積薪焚之自經死惠
安伯張慶鏐聞城陷盡散財物與親戚置酒一家聚飲四圍積
薪全家焚死新樂侯劉文炳聞變與弟左都督文煥祖母瀛
國太夫人帝外祖母年九十擇大井同子孫男女十六人投井中縱
火焚其第文炳投火死宣城伯衛時春赴井死妻子從死無
一存者東閣太學士兼工部尚書范景文賊犯都城十八日
召對已不食三日矣飲泣入告聲不能續翌日城陷向闕再拜
自經家人解之賦詩有誰言信國非男子延息移時何所為之
句赴龍泉庵古井死歲輔人物志謂於雙塔寺傍井中死之未知孰是妾亦自經左

有學集云公三揖
信國曰邦華鄉邦
復革合死國難請
從先生於九京矣
囑家人護總兵急
印還朝廷勿汙賊
手遂投縊而死

都御史李邦華聞城陷嘆曰主辱臣死夫復何辭但得為東宮
導一去路死亦何恨衣冠望闕再拜題練為贊曰堂々丈夫聖
賢為徒忠孝大節矢死靡他遭國不造空負良謨臨危授命庶
無愧吾君恩莫報鑒此癡愚往文丞祠再拜吟零丁洋詩卒章
二外經祠中 戶部尚書兼侍讀學士倪元璐聞難朝衣北面
再拜稽首脫衣冠角巾青衫南面遥拜其母索酒招二友人為
別酌酒漢壽亭侯畫像前援帛語家人曰吾死勿殮大行殮方
殮自縊手弱不即死呼二友助之乃絕三日賊入見之顏如生
賊驚避去 左副都御史施邦曜聞變作絕命詩有愧無羊策匡

唯有微軀報主恩。句投筆自經死。刑部右侍郎孟兆祥守正
陽門賊至死于門下。妻何氏聞之。同女自盡。子進士章明走殮
父屍。亟歸別其妻王氏。聞之曰。吾將往從吾父。妻曰。君死吾亦
死。章明曰。夫人須先死。視妻縊。取筆大書于壁曰。有侮我夫婦
屍者。必為厲鬼殺之。妻氣絕。加緋袍置扉上。又取扉置其左。囑
婢曰。置吾此扉上。緋袍自經死。歲輔人物志云。孟公預置漆棺一具。時印中致身許國。蓋素志也。
大理寺卿凌義渠聞。歔首觸柱。血被面盡。焚著述。評閱諸書。衣
緋北面拜闕。復南面拜父。作書永訣。遺命題櫬死。節孤臣凌義
渠。極繫帛。牕榜就縊。奮身而絕。左中允劉理順聞難。閉閣理

後事題贊于壁曰成仁取義孔孟所傳文信踐之吾何不然科
名既占豈肯苟全三忠祠內無愧前賢酌酒為別遂自盡妻萬氏
妾李氏及子孝廉婢僕俱從殉凡十八人須臾賊以金箭至入見
之環而嘆曰此吾鄉杞縣賢士大夫也居鄉厚德里人無不感
之奉李將軍令來衛公不意死矣下馬羅拜涕泣而去 左諭
德馬世奇閉戶自任二妾朱李從死家人救復甦家人泣曰聖駕
已南幸可為從亡計世奇不應睹二妾已死笑曰若輩少年能
從死乎買三棺以二殮其妾朝衣捧轅北而拜焚衣冠於庭以
司經局印授其僕曰上如出幸以此上行在否則授之吏部其

僕曰奈太夫人何世奇曰正恐辱太夫人耳南向拜母指空棺
曰以此殮我端坐引帛自縊車駕司郎中戚德見賊犯都門
遺書馬世奇誓同死國世奇亦報書相勉德聞交慟哭作大行皇
帝哀辭携鵝酒奔哭大行喪次觸地流血賊露刃脅之不為止
歸臥聽母張氏前慟哭母曰我知之矣入室自縊妹未嫁從死妻
張氏亦縊德乃自盡車駕司主事釗鉉奉命巡皇城入朝點軍
聞賊入投御河死母喬氏妻王氏皆赴井死弟諸生鏞殮葬母
畢亦死三垣筆記云鉉初以駕部巡皇城每過玉河輒留連不
能去歸語弟鏞曰吾一見玉河若依戀不忍舍何也竟
死河
戶科都給事中吳甘來聞寇日逼知京師不守二月遣

其子婦托其友激嘉祉臨別賦詩有懸知此日難為計唯取忠
肝萬古留句城陷自經堂上死 光祿寺署丞于騰蛟冠帶妻
命服同縊死 兵馬司副指揮姚成自盡 中書舍人宋天顯賊
令書偽詔擲筆罵觸堦死 中書舍人滕之所阮文貴經歷張應
選投御河死 儒士張世禧同二子諸生懋賞懋官自經死
錦衣衛指揮李若璠守崇文門城陷作絕命詩有死矣即為今
日事悲哉何必後人知句自縊死 錦衣衛千戶高文采守宣
武門城陷一家自殺十七人 順天府學官五人同縊死明倫
堂 諸生曹文耀問門死 童生周某憤激椎胸嘔血數升一

忠節公殉難書在
崇禎十七年三月
二十日面刻又有
寄崇伯兄秋圖云

慟而絕 江米巷罵真者夫婦同縊死 居民田氏李小槐布
衣湯文瓊俱閨門死文瓊自書其身曰位非文丞相之位心存
文丞相之心 知一禪師持戒律公卿重之吳江進士吳易施
銀二十兩賊犯都城易聞趨避知一曰公試思功名生而自有
可以去留若是朝廷所予則忠孝二字正在此際分明都城陷
則削髮投知一知一曰公向以貧衲披緇施金二十兩今公削
髮禮宜回敬取前銀歸之封識如故易慚而潛遁知一不知所之
戊申亡太常寺少卿吳麟徵守西直門城陷退歸賊已據抵走
三元祠時傳上南狩勸公南歸不應偃卧自經家人救之環泣曰

弟負犬兄之訓於時無所建明而橫罹百六之禍十八日晚叩閣告急時宰度之次早風塵塞巷矣主上蒙塵未暇遣度弟即自裁為奴輩所持至刻下始決自此永辭真府即欲追隨詩酒以盡友于之歡豈可得哉子姪輩教以敦厚母事得文江南不日有事將離鄉閭若何為計餘盡之兒輩囑中三月二十日即刻不肖弟竊啟

明發待祝孝廉至可一訣公許之祝淵晨至酌酒為別公慷慨曰自我登極第夢見隱士劉宗周吟文信國零丁洋句教寔為之不死何為淵泣下公不為動作書遺家人曰祖宗二百七十年宗社移旦而失雖上有龍亢之君下有魚爛之殃身居諫垣徘徊不知無所匡救法應禡服時用角中青衫覆以單衾墊以布席足矣棺宜速舉恐繫先人之望祈知交為祈許焉范公泉路烟烟寸心所以瞑子目者又不在乎此也書畢投環祝淵視舍嫠乃去三垣筆記云吳少章壬戌登第夢一人叉手向脊吟文信國山河破時高未識劉星年劉以儀曹董南宮後相對與然崇禎末劉先罷塚吳遂死難越二年宗周在里亦不食死山河破時

百頭首又寄從弟
雄先云幼時與弟
策建勳每作文山
封索羅而士成之
夢山河破碎聽之
二十年之後嗚呼
奇哉要窮就窮要
死就死不肖諸斯
語弟報訶之今窮
矣死矣天其地裂
時事之慘殊數十
年所未有區區七
尺何有哉三兒存
弟春念有春前吉
乎否此臨殤時一
念千萬千萬三月
二十日卯刻恩兄
微頓首又示兄弟

至此方驗

簡討汪偉聞賊犯闕累日不食妻耿氏語曰苟事不測
後君共死城陷耿氏置酒共酌偉起題宋人語志不可屈身不
可降夫婦同死節義成雙于壁為兩縷偉就右耿氏就左耿氏
曰止止雖在顛沛尊卑之分不可失也讓偉左就右而死賊
五六騎走通州大呼城下曰京師已下不得堅守廢弁魏廣勝
出郭五六里迎餉賊督餉侍郎黨崇雅率將吏迎降有儒童
讀書聞京師陷帝后升遐拜母慟哭出門赴水死賊下河間
知府方文擢罵賊不屈大棒擊殺之天津巡撫馮元勳聞京
師陷集將士誓師無一至者兵備副使原毓宗蒲城人賊厚遇

云我守西直門十
九日別門失事固
而解散即思遂義
為奴輩所持今方
得引決嗚呼已矣
主上蒙塵未卜何
向傷心慘目豈能
北面事人五十頭
顛際光無幾但恨
生平嫻舞所請三
不朽者無其一耳
富不如貧貴不如
賤生不如死今方
恨之後生詩書只
明義理曉世務且
莫就科舉介服若
用俱要有農家更
味時饒金銀等物

其母招毓宗。毓宗馳使納款。初進士程源走天津說總兵曹友
義起兵。兵久乏餉。源說督餉主事唐廷彥發餉給軍。廷彥議戰
守。毓宗誘防海兵劫餉。歐廷彥幾斃。倡紳士立黃旗上書天祐
民順。小民各書民順二字于戶。曹友義率牙兵五百斬關出。毓
宗率兵遮之。友義單騎走。毓宗逼元。賜迎賊不應。總兵婁光先
副將金斌指揮楊維翰皆從。毓宗納款。源勸廷彥南歸。廷彥曰
自反無能報國。創甚有死而已。家有老母年八十三。幸君慰之
有子報國。可勿傷也。廷彥子生八。小源請携之而南。不可。源乃
行。己酉。一百官青衣小帽赴偽丞相牛金星府報名趨朝侍

述：變易稍我
悲世難知此等物
為累身亡家
只為身華二字切
戒切戒遺田鍾女
分四十畝在園佳
居各一所餘分坤
兒及可孫又查孫
五畝周子行送十
畝子行在此極苦
一無所有還宜加
意姑願益光應歸
維光弟知不以存
亡易慮王年跟隨
最久文德忠順卜
正勤勞解事三五
亦可俱善祝之
至囑至囑唐諫一

命賊榜示前朝百官赴會極殿朝見願仕者量才擢用願回籍
者聽如隱匿不出以抗違負固論諸臣紛紛因服趨朝矣 劉
澤清兵頓宿遷高傑兵頓徐州連舟欲南下淮民大恐巡按王
爌曾識澤清輕身詣之勸其回師北上澤清不可大聲曰即不
擾貴治請假道赴揚州爌不可曰即不得已迂道後天長六安
則非我所知也澤清不能奪淮人乃安 吏部員外郎許直聞
變絕食閉門訣其母復作詩六章其卒章曰擲筆翻然辭世行
老親幼子隔幽明丹心未雪生前恨青簡空留死後名閣戶自
縊 太僕寺丞申佳胤協理東宮路聞變投王恭廠井中死

切家務者用心督理我極如運附祖父墓墓姓兩家重提在身加意保養身健大兄仕宦想不促介意六弟病在善養好排八弟病在不通人情未免近刻此俱非本俗所宜亦須三省凡事多商量與大兄便游泉石以終天年何樂如之思至此心已寸斷矣其餘親族尊長俱力勸道意陳芳侯寄書而親翁親誼甚篤而子孫

四川道御史陳純德督學順天方試士易州賊至走回京城陷自盡 福建道御史陳良謨聞城陷作古詩一首痛飲將自盡 妾時氏有娠良謨曰吾年踰五十無子幸生男延陳氏一觴時氏曰主死妾誰依與其辱于賊不如無子請先死以絕君念乃縊死良謨遂死 三垣筆記云良謨按蜀夜夢拜文山于堂下文山揖之起曰公與予先後人品相同何下拜為 四川道御史趙調巡中城捕殺賊謀城陷賊獲調調大罵賊怒殺于白帽衙衙 陽和衛經歷毛維張巡捕西城城破為賊所執械送劉宗敏宗敏欲降之維張大罵不屈曰吾雖小臣素明大義吾首可碎志不可奪賊怒甚搜夾並施斷指折足死

其制勸宜竟以父
禮事之祝間美哉
已一一而悉去此
真古人也我拜本
常命止數日而難
作衣服箱是捨掠
一空區、銅東亦
不壞牌此舉愚前
算後費幾許唇舌
只為僕從苦耳若
我心泰然無復遺
憾法華未必遇物
餘有未及者以類
推之三月二十日
遣付著昌益招坤
金請之王事卜正
文僉將舍前屋及
倉後地分與種作

大學士魏藻德成國公朱純臣率文武百官入朝 庶吉士魏
學濂聞變旁皇謀南還夜觀天象入室曰一統定矣明發趨出
庶吉士周鍾寓百戶王家百戶約同死鍾未應同官吏可程來
積魏學濂吳爾壘等並詣鍾邀入朝百戶挽鍾帶不聽出鍾絕
帶而行百戶自經鍾等並詣張家玉約同入朝言未畢家玉擲
甌茶濺鍾面乃去 百官囚服坐皇極殿前賊兵抵其脅或推
之不敢出聲雞鳴往日旰飢成不出飢憊甚自成衲襦窮袴與
牛宋劉李諸賊雜坐文華殿引馴象至殿前使跽拜作虎哮筆
栗鳴鼓聲盤旋戲群賊拊掌叫笑有絕倒者 宜興董廷獻因

永通書案以刑同
罪之苦餘人不得
援例又與祝開美
云城亡之後忍死
以待執翁終不得
兄書指衣服沒於
兵手絕無存者止
散友周子行及奴
子文儉王宰卜正
三五吳鵬五人千
萬始顧學走運解
身後處分已略小
札第三子益拒原
推先舍弟所許確
知不以存亡為意
望其親格恩之孤
孫女願恩其兄亦
故故甘訓防是在

罪輔周延儒案繫獄賄賊左右交譽自成遂命釋刑部錦衣衛
囚廷獻出獄與侯恂楊枝起張若麒俱見偏殿自成慰勞恂若
麒送劉宗敏錄用稱獎廷獻命留用廷獻不願受職厚與諸賊
帥結驩江南仕宦家眷賴得全者衆 偽文諭院學士顧君思
山西拔貢也箕踞午門日將晚太監王德化同內員數十出大
內見張縉彥青衣立殿前叱之曰汝輩誤國至此今不急殞先
帝乃先推戴新主耶縉彥曰自有主者縉彥何能為德化唾其
面群批其頰拔其鬚魏藻德救之德化叱曰閣下何顏至此顧
君思曰此即魏狀元乎藻德面赤君思曰如此特簡狀元宰相

昌姓亦老親翁
事也張嗣留有心
人更祈致意并敝
門生錢周吳顯楊
嚴請兄收以訓撫
三四小頑整孫孫
孫為託衆路莊
斯古孟姜浦切痛
切年家春弟其期
微頓首其始難古
則古顯臣其

真與主上增光賊目皆笑藥德低頭不語德化責百官不請葬
先帝內監數十人皆哭藥德縉彥等亦哭君恩為奏自成命賊
臣議大行祭葬禮黃昏時傳偽旨用帝礼殮葬以王礼祭 庚
戌廿太監王德化裏城侯李國禎易梓宮加大行皇帝翼善冠
衮玉加后冠服殮於東華門華殿帝梓宮丹漆后黹漆自成遣
牛金星致祭故臣哭臨百餘人主事劉養貞以地觸地慟哭李
國禎退自盡和賊弔帝后以柳棺至東華門外百官莫至國禎
泥首去憤奔赴伏地慟哭賊執見自成國禎觸堦大哭流血被
面自成好語誘之降國禎曰從三事即降一祖宗陵寢不可發

一頭葬先帝以天子禮一太子二王不可害自成許之扶出至
是國損斬哀徒走奉殯畢慟哭自縊死 自成設朝左庶子周
鳳翔失聲哭極哀群臣皆失色莫知所起班大亂鳳翔疾趨歸
邸遺書訣父曰男今日幸不辱此身貽兩大人羞男事畢矣罔
極之恩無以為報矢之來生作絕命詩有碧血九原依聖主白
頭二老泣忠魂句同二妾縊死餘官戰栗牛金星坐殿西檻鴻
臚唱名首呼魏藻德泥首膝行前自成起旁揖詰曰若受特恩
何為不死藻德曰方求効用那敢死自成金星皆笑藻德叩首
求試自成揮起之有所命不辨其言皇遽退庶吉士張家玉長

揖不拜自成曰此何禮家王曰客礼自成曰既見朝何客禮家
王曰明朝之臣如何拜他姓命斬之仰天大笑自成問何笑家
王曰父母教我讀書今日方完有何不樂徑出不領自成縛之
端門內絕飲食五日不死復縱之賊授張若麟山海防禦使
龔鼎華直指使楊枝超吏政文選從事高翔漢都直指劉世芳
編修高劉陝西人故首用之劉大鞏禮政從事光時亨兵政諫
議大夫方允昌兵政從事催漕宿遷陳演上書勸進賊命陳
演魏藻德邱瑜方岳貢送劉宗敏並鎖項至營中初吉水貢
生劉生知天文教授京師二十年公侯內監多出其門甲申謁

選入都寓太監杜秧亭家二月賊氛急夜登園林高阜仰觀天
象憂形于色秧亭問之怒曰汝曹食君祿當盡忠報國吉凶何
問為詰朝去不知所之秧亭亟終降賊賊令京城造排門冊
派養賊兵奸污不堪有二婦不甘其辱誘賊入內共殺之賊殺
其鄰十家辛亥_三自成再設朝牛金星曰故事三勸進始登
極何為缺如百官聞之爭先伏闕一日三勸進偽定官制以
文淵閣為文諭院翰林院為文弘館太僕寺為驗馬寺尚寶司
為尚璽司六科為諫議大夫御史為直指使巡撫為節度使巡
道為防禦使府尹州牧縣令更定有差中允梁兆陽諭德楊

觀光首倡助餉五千兩托宋企郊投進即日召見兆陽于文華
殿叩頭曰先帝無大失德只剛愎自用君臣血脉不通以致萬
民塗炭自成曰我只為幾箇百姓故起義兵兆陽又叩頭曰主
上救民水火神武不殺比隆堯舜湯武不足道也臣遭聖主敢
不精白一心以答殊恩自成大喜留茶賜坐揖送之出遂除兆
陽兵政府侍郎觀光禮政府侍郎周鍾魏學濬疏請差大行
皇帝投文諭院顧君思辟之曰諸君好名之事俟牛丞相至自
奏之金星至見鍾呼曰此周介生先生乎命作士見危致命論
即薦之自成鍾欣然自得每誇牛老師知遇揚揚乘馬過大行

梓宮前揮鞭不顧同輩皆腹非之 中書舍人呂兆龍投御河
不死賊執送營中被榜掠夾旦一夕釋之 壬子卅自成六政
府偽官以宋企郊為吏政府尚書顧君思為吏政府侍郎掌文
選兼文諭院以潼關道副使楊王休為戶政府尚書平陽知府
張璘然為倉場總督戶政府侍郎璘然庚辰登第已列第一甲
帝乙之置二甲大臣薦其才可館選帝臨軒不怡曰此盧杞也
璘然面半藍故云至是降賊人服帝之先見以陝西提學副使
鞏煥為禮政府尚書楊觀光為禮政府侍郎以尚書侯恂為兵
政府尚書梁兆陽為兵政府侍郎以陝西巡撫御史傅景星為

兵政府侍郎掌職方事以安伸為刑政府尚書改李振聲為刑政府侍郎陞偽尚書卿黎志陞為工政府尚書以太僕卿葉初耜為工政府侍郎 賊召廢吉士史可程挾令作書招兄可法劉宗敏造短夾棍數百具鉄為稜巨釘連之械成試二書吏一日即死門立二柱礫人無虛日血內殷地宗敏帶刀跨馬導以四騎出入西直門無時度 癸丑廿偽礼政府尚書鞏燝示隨駕百官率耆老上表勸進 日中自成台見降賊百官自成南向坐牛金星宋企鵠輩左右雜坐以次唱名金星首薦何瑞徵薛所蘊魏學濂何薛牛之同鄉也學濂與山西解元韓霖同

受天主教霖薦學瀟于金星學瀟廷謁金星曰汝是忠孝之家
必當重用引見自成再拜曰小臣何能不過早知天命有歸耳
授戶政府司務 自成選百官人物豐偉者送吏政府錄用縛
文武勲戚大僚八百員送劉宗敏拷訊五人一鎖二賊露刃挾
之趨出東華門多失履跣行有仆地拽走哭盈路錄用者揚
上馬去 甲寅^初偽磁侯權將軍劉宗敏率諸帥偽丞相天祐
閣大學士牛金星率諸賊臣蒲伏午門上表勸進其文有獨夫
授首四海歸心比堯舜而多武功邁湯武而無慚德等語皆傳
周鍾作鍾亦以此自誦云 自成每升御座頭岑岑思眈逡巡

未敢篡是日升殿設朝受表將登極見白衣巨人五六丈仗劍
怒立殿中央華蓋盤龍形爪攫張震怖幾仆倏忽不見自成不
復升殿日馳射飲博後宮宣淫無度庶吉士張家玉上書自
成請賓礼而不臣旌其門曰明翰林張先生之廬又請贈卹
景文周鳳翔等隆禮劉宗周黃道周史可程魏學濂等家玉廣
東人周鳳翔所得士鳳翔常曰子貌如處女忠孝之性耿然家
玉再上書自成怒將殺之不為動賊恐之曰當磔其父母乃遜
詞乞免令仍舊職家玉父母在廣乃云為二親屈有識者笑之